



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCCXCIX. Der Rath zu Salzwedel bekundet den Verkauf einer Rente von einem in der Kaballyenstraße gelegenen Hause, am 26. Juli 1463.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

nomden. Alle duffe stücke ſamptliken vnd eyn Jowelk bofzunderen loue Ik her hinrich, vorge-  
 nannt vor my vnd myne nakomelinge, ſtede vnd vaſt vnd vnuerbraken wol to holdende, funder  
 Jenigerleye hulperede, nyefunde vnd argeliſte. Des to mer vnd grotterer bekantnuſſe hebbe ik  
 her hinrick Apenborch myn Ingeſegel heten hengen an duffen breff. Gefcreuen na criſti ge-  
 bort verteyn hundert jar, dar na In dem dree vnd foſtigelten Jare, Am dage Mariani martyris.

Nach dem Originale im Archiv der Stadt Salzwehel, Faſch 12, No. 36.

CCCXCIX. Der Rath zu Salzwehel bekundet den Verkauf einer Rente von einem in der  
 Raballyenſtraße gelegenen Hauſe, am 26. Juli 1463.

Wie Otto ſinzelberg, tide brunow, hans wopeld, hinric gladegow, Wilhelm bormeſter,  
 Claws moller de older, Claws rekeling, hoyer berteld, mente von gawell, hans rodensee, hinric  
 grote Jan, Werner Wittecop, tide Wolter Wolters, hans boek, Arnd bernd, Jacob mechow, hans  
 ſaluelde vnd Oto borcholte, Radmanne to Soltwedill, Bekennen openbar in deſſeme briue  
 tugende vor alzweme, dat vor vnſz iſz gewefen vnſe medeborger hans bertold vnd hefft rechte  
 vnd redeliken to eyneme rechten erffkope verkofft In ſynem erue, in der olden ſtad, in der Ka-  
 ballyen ſtrate, bii der Arnd boeklichen boden belegen, twee pund penninge jarlicher renten ſoltwe-  
 dilſcher weringe wicherd ſchermer vnd ſynen eruen vor veſtlich mark penninge derfuluen  
 weringe, diu em woll to dancke vornuget ſyn. Sodanne twee pund penninge jarlicher renten ſcal  
 hans berteld, erbenant, eddir ſyns vorbenanten hufzes beſitter deme genomden Wicherde  
 vnd ſynen rechten Eruen alle Jar to veer tyden der Jars, alſe to winachten, to paſchen, to Sunte  
 Johannis baptiſten dage vnd to Sunte michaelis dage, to yſſiger tyd teyn ſchilling penninge, woll  
 to dancke vornugen vnd betalen, Doch ſick vnd ſyns vorbenanten hufzes beſitter den weddirkopp  
 der twee pund penninge renten hyr ane to beholdende, alſe to welcher tyd deme ſuluen hans  
 berteldes edder ſyns vorbenanten hufzes beſitter des woll geluſtet, mogen ſy vnd ſchullen deme  
 genomden Wicherde eddir ſynen rechten eruen ſodanne vorbenante veſtlich mark penninge ho-  
 ueſtuls mit aller bedageden naſtelligen rente full vnd all entrichten vnd betalen. Wann dat  
 denne alſo iſz geſchien, alz denne ſcal hans berteld eddir ſyns vorbenanten hufzes beſitter ſo-  
 danne Jarlige rente von wegen der twee pund penninge weddir fry vnd loefz ſyn. To orkunde  
 iſz vnſir der olden ſtad Ingeſegel gehenget an diſſen breff, Na godes bord verteynhundert Jar, dar  
 nah Im dree vnd feſtigelten Jare, Am dinxdage nah Jacobi apoſtoli dage.

Nach dem Originale des Salzweheler Archives XVII, 9. — Der deutlich geſchriebene Name der Straße ſcheint er-  
 loſchen zu ſein.